

B. N. C
FIRENZE
1013
25

1013.25

XVII

RUSS.

1577

1213.25
A I = 1

ORATIO
DE LAUDIBVS
ROMANAE VRBIS
ROMAE HABITA IN
COMITIIS GENERALIB.
FRATRVM SERVORVM.

*A F. Prospero Rossetto Florentino in sacra
Theologia Magistro, & in conuentu
Patauꝝ Accademia Regente.*



FLORENTIAE.
Apud Bartholomæum Sermartellium.
MDLXXII.



MO

REVERENDIS
P. IACOBO
TAVANTHIO
FLORENTINO.

Sapientissimo in Almo Pifarum Gymnasio Theo-
logo, ac Seruitanæ Relligionis, olim Præ-
fecto Generali Amplissimo.

FRATER PROSPER ROSSETTYS. S. P. D.



*I Isthmi, offerebatur
soli radiantium Cæli
syderum maximo ac
fulgentissimo, formica
animalium omnium
minimum, ac vilissi-
mum; quod exiguum,
& humile munus, pulcherrimus, ac genero-
sus Apollo non modò non aspernabatur, sed
etiam suavisime recipiebat. quid mirum
(Reuerendissime P.) si hac, formica instar,
exilis & angusta oratio à me tibi Seruitanæ
Reip. soli micantissimo consecratur? quam*


A 2 sanè

sanè tenuem ac submissam oratiunculam,
 Et perhumaniter accipias velim, Et beni-
 gnissimè legas, ut sicuti virtute maximus
 es ac splendidissimus, ita clementia huma-
 nissimus sis ac benignissimus. Vale Floren-
 tia octavo Idus Iulii. *MDLXXXII.*

Specimen orationis Almo Principi Gymnasio Tiguri
 Jo. Bapt. Moser, Tiguriensis
 A. G. C. Tiguriensis

FRATER PROSPER. S. P. D.

officiis
 Cui
 ac
 formis
 crimi-
 ac
 quod



Et
 in
 (R
 exit
 Reg

11 2

DE LAVDIBVS ROMANAE VRBIS ROMAE HABITA IN COMITIIS GENERALIB.

FRATRVM SERVORVM.

*A F. Prospero Rossetto Florentino in sacra Theo-
logia Magistro, & in conuentu Patavij
Accademiae Regente.*



OMA, in tuis, hodierno die, laudibus re-
censendis, in tuis mirificis, æternis, ac pro-
pè diuinis encomijs extollèdis, quæ (instar
lucidissimi Ariadnæ Syderis,) tot radianti-
bus redimita coronis, tum excelsa Imperij
maiestate, tum cœlesti Relligionis sancti-
tate, toto terrarum orbe præfulges, & ad-
mirabili Ciceronis tui Eloquentia, in illam
dignissimè offerendam, & diuino ipsius Apostoli Paulli spiri-
tu, in hanc altissimè celebrandam mihi opus esset, ea enim est
Imperij tui maiestas, is tuæ Relligionis splendor, ut & ad cla-
ritatem, nihil illustrius, & ad maiestatem nihil excelsius esse
possit, hinc Saluator Clementissimus Christus, illinc acer-
rimus ac præstantissimus Romulus hinc vigilantissimus Pe-
trus, illinc clauiger Ianus, hinc tot sanctissimi Heroes, il-
linc tot Augustissimi Reges, hinc tot gloriosissimi Patres,
illinc tot clarissimi Consules, hinc tot fortissimi Marty-
res, illinc tot inuictissimi Imperatores, hinc tot castissimæ
Virgines, illinc tot pudicæ Mulieres, hinc denique Ecclesiæ,
sanctitas, auctoritas, & æternitas, illinc tuæ Urbis nobilitas,
potestas, & antiquitas, mihi sese hodie certatim concelebran-

da offerunt; quo fit, vt cum considerem quantus honor huic tam Illustri Imperio, quantaue reuerentia huic tam sacrosanctæ Ecclesiæ debeatur, non possim ego propriæ indignitatis & imperitiæ conscius non vereri, ne à vobis audax existimer, & impudens, ctenim ita graue, ac infirmis viribus meis sic longè impar onus suscepi, vt longæuus ille Gigas fortissimus Atlas non ita onerosam validissimis suis humeris sustineat molem, frangeret equidem, ac in ipso orationis meæ quasi vestibulo conciderẽ, nisi & in hac Romæ clementissima Vrbe, quæ gratiarum ac benignitatis fons est vberrius, orationem habere, & in his præsertim sacratissimis, Pentecostes diebus, quibus ipse Dei spiritus, repentino sonitu super discipulos venit, ac foris linguis igneis apparentibus, intus ardentissimo ipsorum corda inflammauit amore, eosque multiplici sermonum vbertate, ac venustate repleuit.

Tu sancte spiritus, ò Pater, ò fili, ò spiritus per quem tot eximia huic Romano Imperio beneficia, tot gratiæ, tot splendor, tot ornamenta concessa fuere, & sine quo, micantissimum huius Ecclesiæ solium funditus rueret, ac dilaberetur, tu æterne, ac immortalis Deus, caliginosas ingenij mei tenebras expelle, mentem paulisper illustra, & calculo tuæ charitatis ignito, os, linguam & labia mea deterge, vt & Imperij huius celsitudinem, pro dignitate extollere, & huius sacratissimæ Relligionis sanctitatem præclarissimè efferre possim.

Ipius igitur præpotentis Dei auxilio fretus, vestrisque auribus ad audicndum benignissimis confisus, (viri Romani) hunc totius orbis terrarum ornatissimum locum conscendere, & hanc arduam dicendi Prouinciã suscipere ausus sum, cum præsertim ea sit (Illustrissime, ac Reuerendissime Cardinalis Protector Vigilantissime, Generalis Præfecte Relligiosisime) singularis vestra benignitas, vt licet admirabilis me terreat amplitudo, incredibilis tamen inuitet humanitas.

Excelsam autem Imperij Romani sedem & antiquissimam, & nobilissimam esse qui ambigit, cum profectò non huius orbis incolæ non hominẽ sed ex intimis terræ penetralibus amantissimã belluam, feram agrestem & inhumanã, nuper prodijisse fatendum est; anno etenim post Ilium captum quadringentesimo & trigésimo, qui primus erat Septimæ Olimpiadis Annus apud Græcos, dum Charops Æschili filius imperaret

Athæ-

Athænarum Princeps decimus quartus, Romulus à Rhea Syluia ex clarissimo latinorum Troianorumq; sanguine, & à Marte Bellorum præside Inuictissimo genitus, vnâ cum fratre Remo huius vrbis & Imperij conditor nobilissimus, & antiquissimus fuit, & quamquâ seculi omnium primi, & Aborigines ex Arcadia huc profecti, & Pelasgi ex Thessalia profugii, & Arcades ex vrbe Palantio exeuntes, & Pelopponenses ab Hercule bello expulsi ex Elidehuc aduentantes in his, vbi nunc Roma est, regionibus, ante bellum Troianum permansere, mœnia tamen Vrbis & Remus & Romulus fratres post Dardanæ gentis excidium vndecimo kal. Maias posuere; qui Gemini, vter in extructo solo resideret, sacra adhibuerunt piacula; cumque, Remus sex tantum vultures, Romulus vero duodecim conspexisset, hic fœlicius augurium nactus, firmiora ad nouæ Vrbis tutelam, posuit valla, & Remo extincto oppidum à se Romulo, Romam nuncupauit, ò fœlicem Romanorum Regem, ò Relligiosissimum sacerdotem Romulum, qui vt ab ipsis extructæ sedis exordijs, certissimum huius Vrbis Relligionis augurium præmonstraret, sacra Deo primò instituit, mox iura legum optima sanxit, regio se cinxit diademate, circa se Liçtores, centumq; Senatores creauit, Asylum fecit & se primùm Romanorum Regem constituit; hinc (Deo auspice) quàm multis erutis oppidis quam plurimis insidiantibus populis debellatis, nonnullis regibus deuictis & obruncatis, de Ceninensibus primùm, & Antenatibus triumphum agens, mox de Camerinis, ac demum de Fidenatibus & Veientibus opima Regis Achronis spolia, in augustissimum vestrum Capitolum, ad Quercum pastoribus sacrâ suspendit; & quid? si dixerimus (optimi Patres) Relligiosissimum Romulum ter honorifice triumphasse, semelq; Ioui feretrio templo extructo, sacrificia obtulisse, vt trium diuinarum personarum, Patris, filij, & spiritus sancti in vna natura nobis, (& si latenter) præmonstrator esset? quandoquidem postquàm triginta, & septem annos regnasset, repentinis imbribus, lumine solis, ob miram pietatem, adempto, fortasse ad sydera elatus, nusquâ apparuit; ò beatissimum antiquissimum, nobilissimum Romulum, ò vos nobilissimos, antiquissimos, beatissimos viros Romanos, qui tantam Patriæ claritatem, qui tantam generis nobilitatem adepti estis, hæc Vrbis vestre
celsi-

relatitudinis, ac Maiestatis exordia, hinc aureæ coronæ resul-
gent, hinc regia diademata splendent; hæc profectò & si ma-
gna, & præclara sunt, multò tamen maiora & præclariora, sex
alij, qui Romulum subsequuti sunt, grauissimi Reges, effe-
cerunt, Numa Pompilius, Tullus Hostilius, Ancus Martius,
Tarquinius Priscus, Seruius Tullus, & Tarquinius Superbus,
qui singuli Duces acerrimi, quibus ornamentis, quibus digni-
tatis insignibus, vestram hanc Urbem decorarint, quid ego
nunc commemorem? vosmetipsos V. R. quos præclarissime
horum res gestæ, minimè latent testēs adhibeo; Numa enim
Pompilius cum summa, & prudentia & æquitate inter omnes
excelleret, placidissima Regnum Romanum tranquillitate gu-
bernans, nullum gessit bellum, sed Religionis studijs maxi-
mè floruit, solemnia sacra perfecit, vniuersam Sacerdotiorum
rationem in acto gradus distribuit, in Curiones, Flamines,
tribunum celerum, Augures, Vestales, Salios palatinos, Fe-
tiales cum Patre Patrato, & Pontifices: quid non fortiter
egit Tullus Hostilius? qui tria grauissimorum bellorum certa
mina in hostes inferens, ijsq; deuictis ac debellatis, totidem
præcinctus Coronis, ternos habuit de Albanis, de Fidenatib⁹,
de Sabinis triumphos, taceo egregiâ ipsius Anci Martij forti-
tudinem, qui (instar lucidissimi Solis inter cœlestes altissimo
rum orbium Planetas) medium inter septem Romanorum Re-
ges, sibi vendicans locum, septem etiam, & illa quidem acer-
bissima prælia, in efferos ac tumultuantes populos strenuè
commisit, in Latinos, in Fidenates, in Volscos, bis in Sabinos,
bis in Veientes, de quibus honorifica pompa triumphauit;
verùm Tarquinius Priscus nonnè Senatus Romani maiestatem,
numero, decoris insignibus, tribusq; Centurijs ampliauit?
nonè latinos subegit? Ætruscos deuicit? & atrocius Sabinos
oppressit? quid? Seruius Tullus, nonne mira solertia, ita hanc
vestrâ ordinauit Urbem, vt omnia, dignitatis, patrimonij, æta-
tis, Artû, officiorumq; discrimina in tabulis retulisset? nonne
cùm per viginti annos, sæuissimè cū Thuscis dimicasset, adepta
demùm victoria, gloriosissimè triumphauit? commemorabo
Tarquinium illum superbum postremum Romanorum Re-
gem, qui geminis bellis, Sabinorum opes comminuens, ac
Volscos deuincens, geminas etiam ab ipsi hostibus victorias
reportauit, ac geminos triumphos? frustra. V. R. frustra
niterer,

niterer, tot præclarissima Regum vestrorum facta recensere, tot victorias, tot triumphos, tot Coronas laudibus celebrare, frustra singularem Tarquinij superbi sceleritatem, Seruij Tulli solertiam, Tarquinij Prisci felicitatem, Anci Martij fortitudinem, Tulli hostilij fortunam, Numæ Pompilij Religionem, ac propè diuinam Romuli nobilitatem frustra inquam niterer, Encomijs, ac titulis exornare, qui non dico pares ipsorum meritis essent, sed corû partem aliquam adumbrare possent, at illud equidem non prætermittam, sicuti septem illa Cælestium globorum vagantia sydera, Mundum hunc sublunarem, rutilantissimis irradiant splendoribus, & collustrant, ita & hi septem clarissimi Reges vestram hanc Urbem. V. R. Augustissimum totius orbis Theatrum, aureis exornant coronis, & quasi lucidissimis stellis, fulgentibus illuminant gemmis; Defecit profectò Regnum vestrum florentissimum anno ab vrbe condita 244. cum miserandam passus esset Eclipsim, (ceu postremum Planetarum Astrum) superbus ille Tarquinius, Rex Romanorû postremus, qui à Sex Tarquinio, ob dedecus stupri, castissimæ Lucretiæ illati, laudabili ipsius Iunij Bruti opera, Regno expulsus exulatum fugerit; verum iucundissimæ libertatis cupiditate. P. R. incensus, Regnum tunc in plurium dominatum commutauit, & Consules, lucium scilicet Iunium Brutum, & Lucium Tarquinium Collatinum, pro Regibus appellauit, mox Dictatores constituit, Tribunos Plebis, Decemuiros, Censores Tribunos militares Prætores, ac Ædiles Curules: sub quorum Magistratu, felici administratione, dicite quæso (Aud. Præstantiss.) quot bella hostibus indicta, Populus Rom. strenuissimè perfecit? quot oppida deuastauit? quot ciuitates cepit? quot Prouincias in Reip. dictionem conquiritas subegit? quot Regiones acerbissimo conflictu deuicit? quot Regna deuicit? quot indeditionem accepit? gens strenua, ac bellicosa, viri accerrimi, Romani fortissimi tot confregerunt Exercitus, tot milicû millia obruncarunt, tot efferas nationes confoderunt, tot fugarunt potentissimos Reges, tot Armatas Nauiû classis demerserunt, tot spolia cructa retulerunt, tot deniq; triumphos spectabili pōpa ab hostibus reportarunt, ab Ætruscis, à Sabinis, à Latinis, à Volscis, ab Hernicis, à Veietibus, ab Æquilis (à Faliscis) à Fidenatib*, à Gallis, à Prænesteis, à Tiburtib* ab Antiaticis,

à Satricanis, ab Auruacis, à Samnitibus, à Calenis, à Lucanis & ab alijs ferè innumeris Italiæ populis, quos singulos libentissimè recenserem, nisi & Romæ, & apud Romanos orationem haberem: Iam verò post annum 472. quo bellum Tarentinum & Regis Pyrrhi, acriter susceptum fuit, optima illa Respublica, ex tribus rerum publicarum generibus iuncta Regio, optimatum, populari, vsq; ad tertium bellum punicum, summa Urbis vestræ cum laude, hic micantissimè floruit, quam publius Africanus Æmilianus, ita prudenter administrauit, vt in ea consules regiàm, Senatores Optimatum, Plebs popularem auctoritatem haberet; in quo sanè temporis spacio, cum nulla nobilium dissensio in Rep. facta esset, quinque potentissimi Reges superati fuere, Pyrrhus, Philippus, Perseus, Andiscus, & Antiochus, tria punica bella, pro Mærtinibus, pro Saguntinis, pro Massianissa Numidiæ Rege, fortiter indicta, suscepta, & confecta, Sex acquisitæ Prouinciæ Sicilia, Sardinia, Hispania, Illyricum, Macedonia, & Græcia, longum profectò, ac perdifficile explicatu esset. V. R. quot hominum millia, dum hæc optima floreret Resp. gens vestra captiua adduxerit, quot millia militum interfecerit, quot præclara, ac memorabilia fecerit, quot sanctissimæ leges fuerint promulgatæ, quot boni Ciues, quot egregij Consules; quot Senatores Amplissimi, quot acerrimi Duces, quot viri, omni virtutum genere exornati viguerint, quot Relligionem coluerint, quàm iustè, quàm prudenter, quàm fortiter, quàm temperatè, in hac florentissima Rep. singuli vixerint; non mihi linguæ centum, non ora centum, non ferrea vox sufficeret; ò præclaras, egregias & admirandas Romanorum virtutes, hinc Relligio, hinc pietas, hinc pudicitia, hinc continentia, hinc Iustitia, hinc denique fortitudo, & fides ortæ sunt & auctæ.

Miror equidem Metelli Pontificis, ac Tiberij Gracchi Relligionem.

Curtij & Bruti primi Consulis pietatem; Virginij, ac Fabij Maximi pudicitiam.

Bruti Germanici, ac Marci Catonis continentiam.

Lucij Syllæ, ac Lucij Crassi Iustitiam.

Horatij Cocleis, ac Scipionis Æmiliani incredibilem fortitudinem.

Totius

Totius deniq; Senatus, ac populi Rom. fidem;

Nequē silentio præterire possum, quot ea tempestate, viri Romani doctrinis, atq; optimarum artium studijs eruditissimi fuerint, ut Seruius Sulpitius iuris civilis disciplinam maximè callens, ut C. Sulpitius, qui in Astrologia, ac diuturna syderum obseruatione ita excelluit, ut Caldeos ipsos superarit, ut Sex: Pompeius in Geometria, ut M. Varro in historijs, ac in rerum veterum, locorum, temporum, rerum gestarum, omnium sæculorum memoria posteris relinquenda, ut demum in Oratoria facultate Hortensius, Crassus, Antonius, ac omnium Rethorum præclarissimus M. Tullius, fulgentissimum Romæ ornamentum, ac eloquentiæ limen, lumen, flumen, fulmen.

At quid admirabilius dici potest? his clarissimis viris, postremo accedunt tot castissimæ Virgines, tot pudicæ mulieres, tot prudentissimæ, ac probatissimæ fœminæ, ut Virgo Emilia, Lucretia, Claudia virgo vestalis, Cæcilia Metelli, Porcia Catonis filia, Sempronia, Cornelia Gracchorum mater, Antonia, Iulia C. Cæsaris filia, Amesia, Afrania, & Hortensia, quæ innumeris decoratæ virtutibus, Religione, pudicitia, castitate, fortitudine, constantia, & pietate, nitidissimis vestram hanc Urbem splendoribus illustrarunt, & summis laudibus ad Cælum extulerunt: ò rem pulchram & admirandam, quid laudabilius? quid honestius? quid sanctius hac optima Rep. excogitavi poterat?

His virtutibus, (ita viuam) gens Romana ad tantum honoris, & gloriæ gradum conscendit, ut nedum regio diadematæ, nedum Clarissima Consulū dignitate contenta, ad excellam Imperatoriam maiestatem, anno post Urbem cōditam 710. gloriosè peruenierit: Hic est tertius (V. R.) ac præstantissimus Urbis vestræ principatus, hæc tertia & suprema Monarchia; In cuius celsissimo folio rebus compositis omnibusq; Ciuilibus bellis acriter confectis C. Iulius, & octauianus, Cæsares omnium primi honorificè residerunt, ac in dies (ætatibus succedentibus) singuli Principes Augusti, ac Romani Imperatores splendidissimè resident, quos ad perennem & immortalem nominis vestri gloriam, aut Romanos fore, aut à Principe huius Urbis sanctissimo confirmari & Romani Cæsaris nomine appellari oportet: vtinam verba non deef-

B 2 scnt,

lent, quibus pro dignitate omnia, quæ de his vestris Augustissimis Imperatoribus, mihi dicenda cumulatim occurrunt, explicare possem, sed desunt; profectò desunt nam quis tantæ eloquentiæ? floreat cuius sanè tanta ingenij præstantia? cuius tam admirabilis dicendi facultas, aut demum gravitas sit, quæ pelagus hoc ingressus, exitum omnino non desperet?

Roma totius Orbis terrarum (his Strenuissimis Principibus Imperantibus) domina facta est, & Regina: ita ut præter Italiam, quæ intra annos quingentos, tota eius Imperio subacta est quindecim etiam complecteretur prouintias Siciliam, Sardiniam, Galliam Cisalpinam Galliam transalpinam, Hispaniam citeriorem Hispaniam vltiorem: Illyricum, Africam, Macedoniam, Asiam, Pontum, Ciliciam, Siriam, Cretam, & Cyprum; immò verò à Septentione Danubium, & trans Danubium Daciam, & ab Oriente Euphratem, & trans Euphratem Armeniam, Mesopotamiam, Assiriam, vsque ad Tigridem, comunem Imperij Romani ac Persarum limitem perpetuo dominatu præmeret, ò singularem Urbis vestræ amplitudinem, ò virtutē Cæsarum admirandam, ò incredibilem, immò verò, ò credibilem Romanorū potentiam, hinc aureæ coronæ resurgunt, gemmatæ, Ciuicæ, Triumphales, hinc læta trôphæa, hinc alti Colossi, hinc celsæ Pyramides, hinc gloriosi triumphi, hinc præclaræ Victoriæ, quibus tot Regna, tot Regionēs, (dicam vno verbo) totus terrarum ambitus pacatus fuit; Miramini Auditores? ipsam audite veritatem, exiit edictum à Cæsare Augusto ut describeretur vniuersus orbis: ò magnos Augustos, ò Principes fortissimos, ò pios, ò felices Imperatores Romanos perpetuo honore colendos, æterna obseruantia venerandos, quorum imperio & quid plura? ipsamet sacratissima Saluatoris nostri Mater voluit esse subiecta, immò, (ò excelsam Romanorum maiestatem) ipse Christus vnigenitus Dei filius ipsis parere ac obedire voluit, qui omnia (quæ ipsorum Cæsarum essent) ipsdem reddi clarissimè iussit, cum inquit, reddite quæ sunt Cæsaris Cæsari.

Et quid aliud (V. R.) de Urbis vestræ felicitate, dequæ eius Imperij excelsitate dici potest, quàm æternum clementissimum Deum incredibili semper amore Romam complexum esse, omniaque in eam & bona, & pulchra & foelicia contulisse? ò summa Dei benignitas, ò singularis clementia, ò

infi-

7
inſignita Charitas, ò Deus, ò Deus, immortales tibi (Populi
Romani nomine) gratias ago qui Urbem hanc vetuſtiſſimam,
quò ſœlicior ac præſtantior ad ſupernam accederet amplitu-
dinem adco illuſtraſti, vt ſupernum, ac cœleſteni humanem,
immò Deum & hominem iplius Imperio ſubiit. Nane hoſſue-
ris, qui & humilitate altiffima & voluntaria de d. p. ſer-
uitute, non modò excelsam Imperij Romani maiestatem am-
plificauit, verum etiam, ſacratiffima Religionis ſanctitate il-
lud decorauit. Præclara profectò & illuſtris radiantibus ſem-
per enituit ſplendoribus Vrbis veſtra V. Rurſus poſtquàm à ſum-
mo illo oriente ortus eſt ſol Juſtitie fulgentiffimus, eò præ-
clarior facta eſt, & illuſterior, quò æternæ momentaneis, ec-
cleſia terrenis, Pontifices Regibus, Cardinales Conſulibus
Eccleſia Imperio, Chriſtus Romulo præſtantior eſt ac no-
bilibior.

Romulus ex regio quidem, ſed Idolatræ Numitoris ſangu-
ine ortum duxit, at Chriſtus ex Regia ſanctiffimi Davidis
ſtirpe originem habuit.

Romulus ex Rhea Veſtali Virgine, ſed corrupta & impudi-
ca ortus eſt, at Chriſtus ex Maria Virgine intacta, & verecun-
da natus.

Romulus ex Patre genitus eſt Marte Deo ficto ac ſimulato.

At Chriſtus eſt Deus verus, de Deo vero.

Romulus mira pietate à paſtoribus eſt enutritus, at Chri-
ſtus omni honore ac reuerentia à Paſtoribus eſt adoratus.

Romulus adhuc infans ab Amulio ne ſibi Regnum eriperet-
ur, beſtijs deuorandus expoſitus fuit.

At Chriſtus qui non eripit mortalia, vix ferè natus dire-
ctus ab Herode aſſictus.

Romulus huius Urbis, quò ad excelsam imperij maiesta-
tem conditor fuit; At Chriſtus quò ad cœleſtem Religionis
ſanctitatem.

Romulus ex ſœlici duodecim vulturum auſpicio ſe primū
Romanorum Regem conſtituit: At Chriſtus ex beato duode-
cim Apoſtolorum ſelecto Collegio ſe Mundi Principem &
Eccleſiæ caput declarauit.

Romulus vt ſolus Imperaret fratrem Remum interfecit,
At Chriſtus Dæmonem Mundo imperantem interemit.

Romulus quadratis mænibus hominumque præſidio Ro-
mam

mam obuallauit, At Christus diuinis virtutibus, & Angelorum custodia illam firmissimè stipauit.

Romulus centum senatores creauit, At Christus, septuaginta duos immò centum àc mille discipulos elegit.

Romulus leges optimas sanxit; At Christus sacratissimum promulgauit Euangelium.

Romulus primus Romanorum sacerdos sacra Deo prophana instituit; At Christus sacerdos in æternum salutaria sacramenta reliquit.

Romulus Asylum extruxit. At Christus Cælum ipsum aperuit.

Romulus semel Deo Germani fratris sanguinem in hostiâ ac sacrificium obtulit; At Christus assistens Pontifex futurorum bonorum per proprium sanguinem introiuit semel in sancta, æterna redemptione inuenta.

Romulus quinque infestissimis debellatis populis Cœnenses, Antenatibus, Camerinis, Fidenatibus, & Veientibus ternum Romę egit triumphum, at Christus totidem efferit, & eruentissimis hostibus obtruncatis morte, peccato Mundo, Carne, ac Dæmone ternos etiam apud Cœlicolas, apud homines, apud Inferos reportauit triumphos.

Romulus tandem cœu purus homo fortassè ad sydera elatus nusquam apparuit; At Christus videntibus Discipulis ad celissimum eterni Patris solium est eleuatus Deus & homo, homo & Deus.

O Christe, ò Romule, ò Romule, ò Christe, Christus (V. R.) Urbem vestram Regnis celestibus inferendam multò nobilins, multòque felicius condidit, quàm acerrimus Romulus, qui prima mœnium iecit fundamenta; ipse etenim Christus, teterrimi Sathânæ viribus confractis, clauso Orco, Morte deuicta, peccato expulso, carne obstricta, Mundo depresso, referato Olympto, & Deo ipso pacato, triumphali pūgentium in Spīatū decoratus corona, sibi Romam speciosissimam sponsam in ligno Crucis elegit, ac proprio sanguine fundauit Ecclesiam; ipse fundauit eam Altissimus, ipse lapis Angularis, & petra, ipse fundator, & fundamentum, ipse Romam, ad hanc extulit dignitatē, & gloriā, v̄ sit gens sancta, Populus electus, Ciuitas sacerdotalis & Regia, quæ licet multis uicta victorijs multis hostium spolijs onusta, multis sceptris inli-

insignita, ius Imperij sui terræ, mariq; protulerit, latius tamen
 p̄sudet Religionē diuinā quā principatu terreno imperabat.
 sanē Vrbs vestra, vniuerso terrarum Orbi, at postquā de Cē
 lo benignitas & humanitas Saluatoris nostri Dei apparuit, nō
 solum terrarum domina, sed tartarē Sedis etiam, ac ipsius Cē
 li Regina euasit, suo profectō principatu singulos premebat.
 gentium populos, at post iucundissimum Christi aduentum
 Dæmones etiam cogit, Angelos excitat, Deū ipsū lenit,
 ac mulcet.

Dies V. R. deficiet me, si voluero omnia persequi, nihil
 enim non modō humile nunc, aut vile, sed ne mortale quidem
 aut caducum in cogitationem cadit, omnia præclara, omnia
 cœlestia, omnia diuina sunt, quæ nunc mente concipio, au-
 dite. Deus opt. Max. Regnum Romanum sua infinita prou-
 dentia præparauit vt illinc inenarrabilis suæ gratiæ per totum
 mundum diffunderetur effectus. Quamobrem elementissi-
 mus Christus, cum sibi vult vigilantissimum deligere suc-
 cessorem, non Capharnaum à se ita dilectam, non suam Pa-
 triam Nazareth, non Hierusalem Indæ metropolim petijt,
 sed venit (audite) venit Iesus in partes Cæsarē Philippī, ò
 rem diuinam, ò cœlestē arcanum, ò mysterium omni admiratio-
 ne dignissimum, venit Iesus Cæsaream, quæ sola inter innu-
 meras Imperij Romani Ciuitates, Imperatoris Cæsaris no-
 men habebat, vt Romam cellissimam Cæsarum sedem, se ve-
 nisse ostenderet, ibi suū instituit Vicarium, ibi Petrum suū
 eligit successorem, ibi dat illi cū alteri Ianō clauēs Regni cē-
 lestis, ibi Ecclesiæ caput illum declarat, fundamentum, Pa-
 storem, Pontificem, dicam etiam Regem Cæsarū, Romæ;
 ac totius orbis terrarum; audite (V. R.) gloriam vestram,
 dedit ei potestatem, honorem, & Regnum, omnes populi,
 tribus, & linguæ seruient ei; & quid altius? quid admirabilius?
 quid diuinius dici potest? Et ego (inquit lux ipsa veritatis) ego
 dico tibi quia tu es Petrus, & super hanc Petram ædificabo
 Ecclesiam meam, & portæ Inferi non præualebunt aduersus
 eam: ò vos sælices, ò vos Beati Romani, olim terrarum & ho-
 minum Principes, nunc Inferorum, Cēli, Angelorum Prin-
 cipes facti estis, & Reges: Ad hanc ergō Vrbe[m] vestram Bea-
 tissimus Apostolus Petrus post susceptam per spiritum san-
 ctum omnium loquutionem linguarum venire properat, &

Asia

Asia relicta, Bithinia, Ponto, Galacia, Cappadocia, potentis-
 simam Syriæ Ciuitatem Anthiochiam, post assiduos ac diu-
 turnos labores, felicissimus ille Senex peruenit, quæ omnium
 gentium prima, sua immortalis ac sempiterna gloria, suauissi-
 mum super mel & fauum Iesu Christi nomen publicè ausa est
 efferre ac celebrare, ita ut cognominarentur primùm Antio-
 chiz Discipuli Christiani; Gaude, & lætare Vrbs Roma, quod
 Princeps Apostolorum Petrus, & si plurimis beneficijs, mu-
 neribus, ac liberalitatibus in vniuersum Christi gregem col-
 latis, ab illa relligiosissima Ciuitate astrictus alliciebatur, ea
 tamen quoq; deserta, nauim prospero cursu conscendit, &
 Numantiam, Carthaginem, Syracusas, ac prætiosissimos pul-
 cherrimæ Neapolis hortos præteriens, ad arenosum Tiberidem
 tuum plenissimis velis aduectus, te solam, Roma, delegit,
 tuos viridissimos Colles, tuum aerem temperatum, tuas dul-
 cissimas aquas; verùm non illustre Imperium tuum, non tuum
 præclarum Capitolium, non tua magnifica ædificia, non per-
 nis oratorum ac poetarum tuorum fama, non tui clarissimi
 Heroes, non tui fortissimi Duces, non tua grauissima bella,
 non tuæ gloriose victoriæ, non iucundissimi tui triumphi,
 non tuæ deniq; insignes Coronæ, sacratissimum Ecclesiæ Prin-
 cipem Petrum huc aduocarunt, sed ut tuæ opitularetur indi-
 gentiæ, huc libentissimè aduentauit, ut tuis mederetur infir-
 mitatibus, ut tua execraretur vitia, ut à nepharijs te expiaret
 erroribus, ut tuos fugaret Dæmones, ut tuas magicas destrue-
 ret artes, ut falsa Idola frangeret, ut legem promulgaret Euan-
 gelicam ut Christi Crucem plantaret, ut te demum Catholicæ
 Relligionis speculum, veritatis Magistram, omnium virtutum
 exemplar, ex prophana sanctam, ex impia piam, ex terrena cœ-
 lestem, ac diuinam efficeret: exaltent Romani, exaltent Petrus
 in Ecclesia Plebis, & in Cathedra seniorum laudent eum, per
 quem sub quarto Imperij Claudij anno, Christi Euangelium
 Romæ resplenduit, per quem splendidissimum Crucis tro-
 phæum romanis arcibus est affixum, per quem Romæ, vna;
 sancta, Catholica, & Apostolica Ecclesia, non armis, non diui-
 tijs, sed paupertate, sed Relligione, firmissimè ac immobiliter
 fundata fuit, Capitoli immobile saxū, & super hanc petrā ædi-
 ficabo Ecclesiam meam, & portæ inferi non præualebunt ad-
 uersus eam: Acerbissima quidem morte à dira Neronis cru-
 delitate

delitate beatissimus ille Senex affectus fuit, at non petra, nō petri cathedra, nō Christi Ecclesia diruta vnquam corruit, quā nec immanissimi Tyranni, nec perfidi Hæretici, nec ipsi teterissimi Demones concuterē, aut prosternere potuerunt, & porte inferi non præualebunt aduersus eam; quid egerunt tot crudelissimi Imperatores, Nero, Domitianus, Aurelianus, Diocletianus, Maximianus, Iulianus, Henricus, Fridericus? quid tot iniquissimi Hæresiaræ? Simon Magus, Sabellus, Arius, Macedonius, Noëtus, Hermogenes, Vrlacius, Maximinus? quid egerunt, quid egerunt? afflixerunt sanē, agitaerunt Ecclesiā Dei, sed non profligarunt, sed non depresserunt, & porte Inferi non præualebunt aduersus eam, non præualuerunt in illam sanctam, ac triumphantem Ciuitatem Dæmones contra Angelos, nec præualebunt Hæretici in hanc militantē contra Christi Vicarios, contra Romanos Pontifices: Romulus (V. R.) ex felicissimo duodecim vulturum auspicio Romam cōdidit, Vultures apud Ægyptios sæculorū, ac diuturnitatis Hieroglyphica sunt & indicia, audite His ego nec metas rerum, nec tempora pono, imperium sine fine dedi: Christus (optim. Patres) ex prætiosis illis duodecim Apostolorum selectis lapidibus, fundauit Ecclesiā, lapis apud Aruspices Romanos Hieroglificum firmitatis, ac perpetuitatis est, & Regni eius nō erit finis; Duodenarius numerus (Præstantissimi Aud.) apud Arithmeticos perfectissimus est, immō superexcedēs, ac nullo pacto deficiens, audite, ego rogavi pro te Petre, vt non deficiat fides tua, & exauditus est (inquit Apostolus) pro sua reuerentia.

Adhuc etenim (V. R.) Florentissima viget Ecclesia, Sancta Dei, magistra fidei, mater fidelium, domitrix Hæresum, Hæreticorum flagellum. Adhuc Apostolica sedes celsissima manet in qua (post ducētos octo & triginta Pōtifices Maximos quorum serē centum hoc est septem, & nonaginta (ō immortalem ac sempiternam Urbis vestræ gloriam) hic nati sunt: hic lacte nutriti, hic sanctissimis moribus educati, hic Dei cultu & Religione illustrati) beatissimus Papa Gregorius. xii. nunc micantissimē residet, qui verē Gregorius Vigilantissimus Pastor (instar Argicentoculi) super Christi gregem die noctuq; vigilans suos agnos & oues, pascuis sæcundis enutrit, lupos efferos, & ouium raptōres ab ouili sacro propulsat, implacabili eos persequitur odio, qui fidem catholicam labefactare conan-

tur, clauum in Ecclesiæ nauī placidissima gubernat tranquillitate, horribiles Hæreticorum procellas contundit, fluctus aëreas Turcarum tempestates confringit, Catholicæ Relligioni propagandę maximè studet, miram in Christiana Rep. pacē conseruat, auget amplificat, vitam degit, fide, spe, & Charitate fulgentem, diuinis Christi præceptis illustratam, omnibus virtutibus excrnatam, & altissima sui serpentis Alati prudentia, super Etheramentę & animo volitans, ad Angelos, ad Deum ascendit, ipsum mira pietate colit, ipsum pro se & prouibus suis omni humilitate adorat, obsecrat, veneratur.

Vtinam parem eximiis ipsius meritis vim dicendi reperirẽ, vtinam vocem ita claram, & canoram emitterem, vt eius sonũ ad Vaticanum vsq; perueniẽtem ipsius Beatissimi Senis aures reciperent, ipsum his laudibus, his concentibus, his encomijs Seruitanę Relligionis nomine consalutarem, Tu Pontifex Romanus, tu sanctissimus, tu Beatissimus, tu Pater Patrum, tu Princeps Episcoporum, tu caput Ecclesię, tu Pastor totius Gregis Christiani, primus vt Abel, Gubernator Generalis vt Noë, Patriarcha vt Abraham, Sacerdos vt Melchisedech, Dux vt Moyses, Iudex vt Samuel, Episcopus vt Petrus, Magister vt Christus, te Deus Opt. Max. te fœlicissimum Gregorium, te Pastorem vigilantissimum, gloria & honore coronauit in terris, & coronabit in Cælo qui promisit coronã vigilantibus.

Hæ V. R. glorię, hi splendores, hę dignitates, hęc ornamenta, quibus Clementissimus Deus Vrbem hanc vestrā, & nobilissimā, & sanctissimā exornauit, non pulcherrimus ipsius Urbis situs, non tutissima mœnia, non munitissimę Arces, non Turres eminentissimę, non columnę marmoreę, non arcus lapidei, non excelsę Pyramides, non antiquissimę statuę, non diuinum Capitolium, non amplissimę plateę, non vię cõspicuo ordine strateę, non altissima ædificia, non egregia palatia, non Augustissima Tempła, non præstantissimę domus, nō tot Illustrissimę familię, non generosę virorum ac mulierum formę, non grauitas oris & decus, non maiestas in vultu, non florentissimum optimarum artium Gymnasium, non insigne ingenij specimen, nō tot viri omni virtutũ genere & grauitatē fulgentes, nō tot sacri Theologi, non tot Platones & Peripatetici, nō tot Apollines, non tot Solones, non tot Homerī, nō tot Cicerones, non tot fortissimi Milites, nō tot acerrimi Duces,

non tot

non tot Inuidiosissimi Imperatores, non tot Annibales, non tot Scipiones, non tot Fabij, non tot Fabritij, non tot ameni prospectus, non tot Hortorum decora, non viridissimi colles, non summa agrorum fertilitas, non dulcissimi fontes, non Romuleus Tybris, non maxima aeris salubritas, non benigni Astrorum aspectus, non demum placidissima Cœli temperies, quibus omnibus, & externis & internis, & corporis & animi, & artis & Naturę bonis vos Deus opt. Max. ob miram sui elementiam, qua præ ceteris totius orbis terrarum Ciuitatibus, Romam dilexit, maxima cumulauit mensura, nequaquam nequaquam (V. R.) sed hæc illa duo sunt Urbis vestrę præclarissima ornamenta, excelsa Imperij vestri maiestas, & cœlestis Religionis vestrę sanctitas; hæc sunt illa duo radiantissima lumina, immo lumina magna, quibus æternus opifex Deus (instar Cœli stelliferi) te Romam Cælum terrenum & terram cœlestem decorare voluit, luminare maius in principatum diei, & hoc est Ecclesia, & luminare minus in principatum Noctis, & hoc est Imperium.

O Terrarum ac Cœli Regina, o Serenissima Imperatrix o Augustissima Roma, o Roma, o Roma, per te singulę Ciuitates resplendent, per te singula Regna lucent, per te totus orbis terrarum fulgentissimè micat, tot Apostolis, tot Imperatoribus, tot Põtificibus, tot Regibus, tot Cardinalibus, tot Consulibus, tot Episcopis, tot Senatoribus, tot sacris Doctoribus, tot sapiētibus viris, tot martyribus, tot militibus, tot sacris virginibus, tot pudicis mulieribus, tot Crucibus, tot Tropheis, tot spinis, tot coronis, tot angustijs, tot triūphis, tot lacrimis, tot gaudijs, tot sanguinibus, tot diuitijs, Ecclesia Imperio, Christo demum ac Romulo, o Roma gloriosa, dicta sunt, & adhuc dicenda essent de te Ciuitas Dei, Ciuitas Sancta, ciuitas cœlestis, at pro dignitate illa celebrare, maius profectò est, quàm ut viribus meis, id adsequi possim; oceanum n. (V. R.) vna clauderem, innumeras Cœli Stellas enumerarem, si præclarissimas Urbis vestrę laudes singulas recensere sperarem. Quamobrem satius esse reor, ut in portum se referat oratio nostra, etiam me vobis omnibus, qui vestra singulari benignitate tanta audiendi attentione me superastis, gratię immortales agantur, sicuti & tota seruorum Religio, de tot vestris excellentibus bonis, de tot præclaris, & innumerabilibus vestris ornamentis, per me vobis mirificè gratulatur, huic sanctissimę & Apostolicę Se
di

di omnem obedientiam pollicetur, & præstat, ipsius Beatissimi Domini Nostri pedes perhumiliter osculatur, à Illustrissimis Principibus vestris, toti senatui, populoq; Romano protot eximiis in se collatis beneficijs omnia prospera, & fausta à Deo opt. Max. precatur, cui & nos quoq; plurimum debere fatemur, de cuius clementissima Charitate, & si nobis Luciferus occidit fulgentissimus Alexander Farnesius, radiantissimus tamen nobis Hesper affulsit Iulius Antonius Sanctorius; & si lucidissimus Pollux Iacobus Tauanthius Florentinus suæ administrationis diem obiit, suæ tamen immortalitatis, castoræ fratrem Aurelium Menochium Bononiensem, participem habuit: illi inter Romana lumina, ita Romæ, resplendent, vt clarissimis luminibus, lucem addere videantur: Isti in seruitana Rep. ita refulgent, vt omni splendore, omniq; claritate sint circumfusi, illi nobilitate à sanctitate sunt fulgentissimi, isti Deitimore à probitate redundant; illi piè à strenuissimè hanc nostram sanctissimam Religionem, & protexerunt, & protegunt, isti prudenter, à integerrimè eam, & rexerunt, & regunt; illi demum immortalis honore, sempiternæque gloria dignissimi sunt, isti omni triumpho omniq; laude ubiq; locorum mirificè celebrandi.

Vellem equidem (V. R.) cor geminum habere, veluti paphlagoniæ Perdices, geminas facies sicuti Ianus bifrons, à totidem linguas instar Aquilæ Imperialis, vt vberius, clarius, & ardentius, hanc vestram nobilissimam Urbem, hæc duo Apostolicæ Sedis fulgentissima lumina, hos præclarissimos Religionis nostræ Antistites, & celebrare, & intueri, & venerari possem; At illud sufficiat (Aud. præstantissimi) me dixisse Amplissimos Seruitanæ Reip. Præsides, me dixisse Illustrissimos. S. R. E. Cardinales, me dixisse Romam.

D I X I.

Cum Licentia Superiorum.

1013 25

88 85878

MC

